

禮

記

通

解

禮記通解卷十

郝敬習

內則第十二

內則。閨門內法則也。

后王命冢宰降德于衆兆民。

后王謂天子。非天子不議禮。天子制禮以一民風。則人人親親長長而天下平。王者先天下首庶物而稱后者。猶孤寡不穀之義。鄭謂后爲諸侯。非也。天子后天諸侯。后天子。夫人后君。皆謂之后。冢宰。天官。相天子。統五卿。掌六典。則司徒之事亦其所統也。降德。卽

所謂道之以德齊之以禮也。萬億曰兆。算法億有大
小小者以十爲等。十萬爲億。十億爲兆。大者以萬爲
等。萬萬爲億。萬億爲兆。億億爲种。

子事父母。雞初鳴。咸盥漱。擯聲。緹上。并總拂髦冠綏纓。

端韠紳。搢爲笏。左右佩用。句左佩紛悅。刀礪。小觴金。

燧。右佩玦捍。管帶。大觴。木燧。偁履著爲綦。忌婦事舅。

姑如事父母。雞初鳴。咸盥漱。擯。緹并總。衣紳。左佩紛悅。

刀礪。小觴。金燧。右佩箴。管線纁。曠。施繫。表秩。大觴。木

燧。衿纓綦履。以適父母舅姑之所。

自此至終篇。皆王命冢宰所降于兆民之禮。盥洗手。

也。漱滌口也。櫛梳也。緹纒同。以黑緇韜髮也。笄簪也。總以緇束髮結于頂也。髦毛通卽髮也。將加冠拂拭其亂髮上屬于總。男女皆然。下節妾進御笄總角亦拂髦冠纓垂曰綏端。禮衣制方曰端。韠蔽膝以韋爲之。古人席地坐。邊豆在前。爲韠以蔽其沾漬。本上古木皮蔽前之義。大帶垂者曰紳。男女皆用緇帛爲之。搢插也。笏竹板以記事。插之帶間。古無紙筆。書用簡。筆用刀。左右佩用。謂隨身左右佩所常用之具。紛帨拭物巾也。紛卽帨。顧命云。筍席玄紛純帨。故可用純刀書刀。礪磨石。觶鑄通錐也。或云以象骨爲之。小者

解小結也。金燧，周禮烜氏所謂夫遂，取火于日中者也。晴用金燧，取火于日；陰用木燧，取火于木也。玃，決通，以骨爲之，著于右手大指，射以鈞弦也。捍，拾也。皮爲之，韜左臂，收拾衣袖以利弦也。管，筆管。鄭謂筆，弦古人以刀書，其柄曰管。璚，璚通，刀室也。大觶，以解大結。木燧，以取火于木中。偃，以布纏足，自脛至膝。偃束之以便趨走，故曰偃。屨著綦，謂著屨結綦。綦，屨繫也。舅姑，夫之父母，如事父母；如夫之事父母也。箴，針也。管，筆也。續，絮也。繫，囊也。囊有閒葉者曰袞。施，謂箴管線續外施此貯之也。衿，衣領通作襟。衣衽也。纓，小帶。

結衿者凡繫衣冠繩皆謂纓結組垂爲流蘇亦謂之

纓適父母舅姑之所夫婦同問安視膳早朝之禮

及所下氣怡聲問衣煖郁寒疾痛苛何癢而敬抑搔之

出入則或先或後而敬扶持之進盥少者奉上槃長者

奉水請沃盥盥卒授巾問所欲而敬進之柔色以溫之

饘醢移酒醴目羹菽麥蕡焚稻黍粱秫迷唯所欲棗

栗飴蜜以甘之董萱尤粉榆兔藹考脩脩上漚雞上以

滑之脂膏以膏去聲之父母舅姑必嘗之而後退

適父母舅姑所有二事一爲問安下氣以下是一

爲視膳進盥以下是也苛細瘡也抑按也搔爬搔三

言敬者。孝子下氣怡聲之誠心。不敬所爲皆虛文體。
厚粥。醢薄粥。芣羹。菜和肉汁爲羹。蕡。麻子。林檎也。
米之精鑿者曰粳。黏者曰秫。飴。餈也。羹。菜名。味甘
汁滑。葦。薑類。榆白者爲粉。新生曰兔。草木始生出甲
如人免冠然。藁乾也。滫。米汁。漉。滑也。以米汁漬肉使
滑膩。如今人用豆粉和肉之類。凝爲脂。釋爲膏。以脂
膏烹和使潤澤也。嘗之而後退。視其所嘗。知其所嗜
也。

男女未冠笄者。雞初鳴。咸盥漱。櫛。縱拂髦。總角。衿纓皆
佩。容臭。昧爽而朝。問何食飲矣。若已食。則退。若未食。則

佐長者視具凡內外雞初鳴咸盥漱衣服斂枕簟灑去聲掃室堂及庭布席各從其事孺子蚤寢晏起唯所欲食無時由命士以上父子皆異宮昧爽而朝慈以旨甘日出而退各從其事日入而夕慈以旨甘

總角束髮于首如角男女未冠笄之飾容臭謂容蓄香草卽今香囊佩之衿纓間下文云佩帨蒞蘭是也或謂纓卽香囊恐非昧爽天欲明未明也問何食飲問尊者也佐長者視食具如諸孫輩助其父母供祖父母食之類內外謂家衆男女斂枕簟夜卧則設之早起則收之也布席設尊者坐席各從事男女內外

各服其事也。孺子童稚無知，不槩以成人禮責之。命士爵命之士，周官典命子男之士不命，如後世官長自辟之屬，命士以上有爵而貴，故父子異宮，使各全其尊，且避子之私也。以禮見父母曰朝，每日再朝，昧爽而朝，晨省也。慈以旨甘，視夕膳也。慈愛養也。也。慈以旨甘，視夕膳也。慈愛養也。

父母舅姑將坐，奉席請何鄉，將衽長者奉席，請何趾，少者執牀與坐。御者舉几，斂席與簞，縣裳篋枕，斂簞而獨之。父母舅姑之衣，衾簞席枕几，不傳。去聲杖屨祇敬之，勿敢近。敦牟卮匭穆非餽。俊莫敢用，與恆食飲，非餽莫

之敢飲食父母在朝夕恆食子婦佐餞既食恆餞父沒
母存冢子御食羣子婦佐餞如初旨甘柔滑孺子餞在
父舅姑之所有命之應唯上聲敬對進退周旋慎齊齊
升降出入揖遊不敢噦淵入聲噫監噓帝咳慨欠伸跛倚
睥弟視不敢唾拖去聲洩替寒不敢襲癢不敢搔不有敬
事不敢袒裼不涉不擻曠褻衣衾不見現裏父母唾洩
不見現冠帶垢和灰請漱衣裳垢和灰請澣衣裳綻裂
紉連箴請補綴拙五日則燂潛湯請浴三日具沐其間
面垢燂潘翻請澣會足垢燂湯請洗少事長賤事貴共
帥時

將坐謂早起時奉席奉坐席鄉面向也衽卧席也長者子婦年長者奉席請也趾足所指也不敢斥首而但請其足之所指牀坐牀旣布席加牀席上又設几牀側皆以安尊者也斂席與簟斂其夜寢之席簟簟在席上夜則設之旦起斂之衾則束而懸之枕則貯之篋中櫛韜也簟必韜之以其近體也不傳不遷移也敦牟皆盛黍稷之器牟作塾瓦器卮以盛酒匱以盛水漿凡尊者所用器不敢飲食也佐餽謂父食餘不盡者食之使盡若助之也旣盡也旣食恒餽謂常食所餘子婦食必盡示不以復進也父沒母獨食則

長子侍食以溫之恐其思父也。長子既侍食則不佐
餽。羣子與羣婦佐食其餘亦如父在食必既也。所餘
旨甘柔滑之味則以食孺子。承父母之志亦示不以
復進也。應唯應之疾也。慎齋。謹慎齋莊也。揖遊。揖讓
優遊也。噦。嘔逆聲。噫。氣不順也。嚏。噴嚏也。咳嗽聲。氣
乏則欠。體倦則伸。偏任爲跛。依物爲倚。睇。旁視也。涕
自鼻出曰洩。襲。重衣也。袒裼。本不敬爲奉長者之事
乃袒裼如割牲之類則可不因涉水則不擻下裳。擻
揭通褻衣與衾不見裏避其穢也。父母唾洩則剝除
不使人見也。和灰。灰湯也。紉箴。以線貫針也。燂。溫也。

體曰浴。頭曰沐。面曰頤。足曰洗。米泔曰潘。共帥時。皆率是禮也。時是通。

男不言內。女不言外。非祭非喪。不相授器。其相授則女受以篚。其無篚則皆坐。句奠之。而后取之。外內不共井。不共湫。通浴。不通寢席。不通乞假。男女不通衣裳。內言不出。外言不入。男子入內。不肅。不指。夜行以燭。無燭則止。女子出門。必擁蔽其面。夜行以燭。無燭則止。道路。男子由右。女子由左。

男女唯祭喪。乃親授受。祭爲嚴肅之地。喪乃急遽之時。故無嫌。非是二者。女必執篚。男子置物篚中。無篚。

男女皆跪奠物於地而后取之不親交也男言授女
言受陰承陽之義內外不共井嫌同汲也沐浴室牖
寢口出聲有隱事以爲號也道路男右女左地道尊
右也

子婦孝者敬者父母舅姑之命勿逆勿怠若飲食之雖
不者必嘗而待加之衣服雖不欲必服而待加之事人
代之已雖弗欲姑與之而姑使之而后復之子婦有勤
勞之事雖甚愛之姑縱之而寧數勸休之子婦未孝未
敬勿庸疾怨姑教之若不可教而后怒之不可怒子放
婦出而不表禮焉父母有過下氣怡色柔聲以諫諫若

不入起敬起孝說則復諫不說與其得罪於鄉黨州閭寧孰諫父母怒不說而撻之流血不敢疾怨起敬起孝子事父母婦事舅姑能孝能敬者是父母舅姑所愛也然勿恃愛于父母舅姑之命遂違玩之也如命之飲食雖偶不欲食承命且嘗之待父母舅姑知已不欲而后敢自便也或加之衣服雖不欲著且服之待父母舅姑知已不欲而后自便也或任以事使人代已所以體恤之雖不欲人代然且奉命與代已從旁教使之而后復親爲之也其委曲承順不敢徑情類此其爲父母舅姑者雖愛子亦當勤勞之卽甚愛之

且縱使爲之寧數數休息之不可溺愛而養其驕情之習也如子婦不孝敬亦勿用疾怨之姑且教之不率而后怒之不可怒而后放出之不加禮焉表猶加也謂不禮貌猶言不齒也父母舅姑之教子婦如此人子化父母尤難遇父母有過下其氣不可激也怡其色不可倨也柔其聲不可疾也如是以諫卽所謂幾諫也起敬起孝洗心滌慮惟恐精誠不至感格未通作起其孝敬也說伺父母意悅復諫仍前下氣怡色柔聲也不說謂父母又不聽則過將遂成矣得罪于鄉黨州閭矣與其使親得罪于人寧使已委曲從

容多方熟諫寧安也。卽父母又不說怒而撻之。至于流血亦惟下氣怡色柔聲起敬起孝誠如是豈有不悅之親乎。

父母有婢子。若庶子庶孫甚愛之。雖父母沒沒身敬之不衰。子有二妾。父母愛一人焉。子愛一人焉。由衣服飲食由執事。母敢視父母所愛。雖父母沒不衰。子甚宜其妻。父母不說出。子不宜其妻。父母曰是善事我。子行夫婦之禮焉。沒身不衰。

婢子婢所生子。雖賤。父母所愛亦終身敬之。敬父母也。妾皆已有不敢以已之所愛敵父母之所愛。亦愛

父母也由自也視效也自衣服飲食之微一切不敢
比效父母之所愛者妻雖已所善不敢以父母不說
而強畱父母所善不敢以已不說而輕出皆知有親
而已不敢以已也

按此章之言未免少偏如舜之父母未必悅二女則
將出之乎若婦犯七出父母縱容之亦禮之不衰乎
夫禮者義而已質諸義而弗協如前所謂起敬起孝
寧熟諫勿使得罪鄉黨州閭惟順于父母可以解憂
古有行之者虞舜所爲大孝也出妻之說詳檀弓上
篇

父母雖沒將爲善思貽父母令名必果將爲不善思貽父母羞辱必不果

此無父母者所宜深念也家無嚴君則情欲易縱子思辱親則行常自勉孝所以爲百行之原也如此而後爲真孝子

舅沒則姑老冢婦所祭祀賓客每事必請於姑介婦請於冢婦舅姑使冢婦毋怠不友無禮於介婦舅姑若使介婦毋敢敵耦於冢婦不敢並行不敢並命不敢並坐凡婦不命適私室不敢退婦將有事大小必請於舅姑子婦無私貨無私畜無私器不敢私假不敢私與婦或

賜之飲食衣服布帛佩悅采音芷蘭則受而獻諸舅姑
舅姑受之則喜如新受賜若反賜之則辭不得命如更
受賜藏以待乏婦若有私親兄弟將與之則必復請其
故賜而后與之

老謂年老休息傳家事于長婦也長婦有事猶必請
于姑而后行不遽專也介副也衆婦副冢婦也使謂
以事役之友親愛也不友謂不以已獨勞而介婦不
與遂不友愛之以無禮加之也介婦不敢敵耦于冢
婦不敢責冢婦與已均任也不敢并命有使令專聽
長婦也蓋婦性妒忌閨門之內婦孝其姑冢婦與介

婦相得則家無不理矣婦或賜之飲食衣服請所親者私賜之蒞蘭皆香草蒞作芷以獻于舅姑受之如已新受其人之賜而喜視舅姑受無異已受也其或不受反之如重受舅姑之賜而藏以待若有私親兄弟之將與之必復請于舅姑終不敢以爲已物也故賜卽前所獻物如更受賜藏以待者也

適子庶子祇事宗子宗婦雖貴富不敢以貴富入宗子之家雖殺車徒舍於外以寡約入子弟猶歸器衣服裘衾車馬則必獻其上而后敢服用其次也若非所獻則不敢以入於宗子之門不敢以貴富加於父兄宗族若

富則具二牲。獻其賢者於宗子。夫婦皆齊。債平聲而宗敬焉。終事而后敢私祭。

適子。謂父及祖之適子。小宗也。庶子。謂適子之弟。宗子。謂大宗子。宗婦。謂大宗子婦。子弟。卽庶子。猶相若也。歸遺也。謂子弟與宗父兄貴相若。以其器服歸宗子。必獻其上者。而自用其次也。非所獻。謂子弟爵貴。器服非所可獻。則不敢以入于宗子之門。蓋富貴本不可以加父兄宗族。又況宗子乎。若富。謂庶子家富。具二牲。謂將祭。每牲必具二。以一獻于宗廟。以一祭于私。獻其賢。獻其上牲也。夫婦。謂庶子祭者之夫婦。

宗敬祭于宗廟致敬也終事宗子宗廟祭畢也私祭庶子自祭其祖禰也

按此節事宗子之禮亦已甚矣又何以事祖考乎苟宗子賢則斯禮也善其所以受宗子未必賢難乎其繼也後世宗法不行亦自人情不可強禮諧人情則百世不易聖人議禮質諸義故曰人情者聖王之田詳曲禮下篇

飯句黍稷稻粱白黍黃粱稭胥上糲雀膳句腳臠臠

醢牛炙醢牛載恣醢牛膾羊炙羊載醢豕炙醢豕載芥

醬魚膾雉兔鶉鷄晏飲句重平醴稻醴清糟黍醴清糟

梁醴清糟或以醢為醢黍醢漿句水醴倚醴酒句清
白羞句糗餌二粉醢養

飯謂飯之品穀暑熟曰黍秋熟曰稷稷粟也水種曰
稻穀大者曰粱黍色多黃白者尤美粱色多白黃者
尤美晚熟曰稭早熟曰穞穞之言焦也膳謂諸穀之
品牛土畜曰腍羊火畜曰臠豕水畜曰臠三者皆羹
名醢醬屬三物各以醢和食故陳設相間牛炙炙牛
肉亦和以醢凡肉薄切為截細切為膾芥醬以芥為
醬魚膾切魚為膾雉兔鶉鷄四物皆可充膳鶉鷄屬
飲謂諸飲之品酒之未沛者曰醴汁為清滓為糟合

爲醴重醴謂稻黍粱醴并設也。酏粥也。以酏爲醴釀
粥成醴也。黍酏以黍爲粥。漿謂諸漿之品。飲之調和
者曰漿。周禮天官有漿人。水涼水醱酸漿。湊以雜糗
和水也。酒謂諸酒之品。酒久造者色清。新釀者色白。
羞謂內羞之品。充饗賓者也。糗炒米也。餌乾餅如珥
粉。米屑也。酏作養。糗通炊。米熟搗以爲餅也。

按黍稷相似。暑熟曰黍。秋熟曰稷。稷粟也。皆粒細而
圓。稷尤細于黍。皆陸種也。稻言潛水種也。穀大而長
者皆曰粱。取彊梁意。凡米精者亦曰粱。取良善意。今
之秫大者。葉穗如蘆。實如梧子。高丈餘。俗呼爲高粱。

者梁之正名也。本草以梁爲稷，有青白黃三種，其實
梁與稷名義相反。稷言黍，微細義；梁言亮，高大義。故
穀大者稱梁，五穀各有青白黃赤黑五色，不獨梁也。
高粱可飯，尤宜釀酒。古之秬秠皆以粒大得名，或指
此耳。稭晚成，以皆熟得名。稭早成，以易焦得名。鄭云
熟穫曰稭，生穫曰秬。夫穀烏有不熟而生穫者乎？

食

句蝸

醢食醢而菰

食

雉羹

句麥食脯羹雞羹

句折稊

杜犬羹兔羹

句

和

去聲

糝

三上聲

不

糝

了

濡

而

豚

包

苦

實

蓼

濡雞醢醬實蓼濡魚卵醬實蓼濡鼈醢醬實蓼服脩蚘

遲

醢脯羹兔醢麋膚魚醢魚膾芥醬麋腥醢醬桃諸梅

諸卵鹽

食謂食味之宜者也。蝸螺通菰一名茭葉如蒲葦心可生噉以蝸爲醢則以菰米爲飯以雉爲羹以麥爲飯則析脯割雞爲羹細折稻米爲飯則以犬與兔爲羹味各相宜也。凡羹和以米屑之糝不須加蓼菜之辛者曰蓼。濡烹肉和汁也。苦甜菜包苦實蓼以甜菜包肉實蓼干中煮之雞則加醢醬魚加卵醬鼈加醢醬皆實以蓼。鄭云卵魚子爲醬也。食服脩以蜆醢蜆蟻子以爲醢也。麋鹿之大者膚肉之腴者麋腥鹿肉之生而未熟者五物皆用醢醬烹和桃諸梅諸周禮

所謂乾蓀也。果品乾蓄者曰諸言非一品也。卵鹽鹽塊如鳥卵也。

按膳臠臠以下二十品與饌禮公食大夫禮陳設次序頗同。故鄭註卽以爲上大夫禮。然記無明文。旣爲內則何獨上大夫大抵飲食日用及祭祀燕饗養老事親貴賤貧富皆有。皆內人主之故。記者雜舉所聞以爲則。古人觀物察理因性情時宜各有取裁。而古今異俗難可強通。如蓼本惡草實肉包之以苦非盡取適口也。蜚爲蟻子。蜎爲蟬。范爲蜂皆以充食品。今人少有用者。若一一牽強求通以爲禮則拘矣。

凡食齊註視春時羹齊視夏時醬齊視秋時飲齊視冬

時凡和註春多酸夏多苦秋多辛冬多鹹調以滑甘牛

宜稌羊宜黍豕宜稷犬宜粱鴈宜麥魚宜菰春宜羔豚

膳膏薌夏宜腍渠鱗膳膏臊豕秋宜犢臄迷膳膏腥

冬宜鮮仙羽膳膏膾牛脩鹿脯田豕脯麋脯麇鹿脯

鹿田豕屬皆有軒憲雉兔皆有芼爵鷄蜩條范芝而

菱棋矩棗栗榛柿瓜桃李梅杏楂梨薑桂

齊謂溫涼之節食謂五穀之飯視春宜溫羹肉味之

和視夏宜熱醬醯醢之類視秋宜涼飲水漿之類視

冬宜寒和調味也春木主肝宜酸多助木夏火主心

宜苦多助火。秋金主肺，宜辛多助金。冬水主腎，宜鹹多助水。四時同土主脾，常調以滑甘助土。滑則通利，甘則和緩，故調牛屬土，稌宜濕，水土之氣合也。羊性熱，黍宜暑，暑熱之性合也。豕爲六肉之常供，稷于五穀爲最多，犬屬戌，稻粱秋熟，鴈肥時，麥正秀，魚水族，菰宜水，各有宜也。羔羊之小者，豚豕之小者，二物方長而肥，故春氣發生，宜之膳，卽羔豚也。麝香同以脂膏之香美者煎和之，應春氣芬芳也。夏生物未成，鮮者易敗，故宜乾物。腊乾肉，鱸乾魚也。燥燥也。夏火氣燥，故宜燥。秋物初成，故宜牛子之犢與鹿子之麋。腥

辛也。辛金味腥。金氣也。冬物衆而氣寒。鮮者不敗。故
宜魚鳥。羶羶也。獸毛厚者。其氣羶。應冬氣也。脯有薑
桂之治。曰脩。田豕。野猪。麋。大鹿也。麋。麋也。牛肉宜脩。
田豕。四物宜脯。又可切大片爲軒菜。和曰芼。雉兔二
物。皆可以菜醢爲羹。爵。雀同。蜩。蟬屬。范。蜂也。芝。麋姑
之類。栢。木耳之類。菱。菱也。棋。形似珊瑚而味甜。楂。粗
同。似梨而澀。牛以下。鳥獸昆蟲草木之味。共三十有
一種。皆可乾之。蓄以待祭享之用。槩言其品如此。皆
婦人女子所當知。不獨貴者耳。

按春宜膏豚之類。鄭註周禮以五行盛衰爲解。云八

物得四時之氣盛人食弗勝用休廢之脂膏煎和之以麋爲牛膏。腠爲犬膏。腥爲雞膏。羶爲羊膏。近鑿說見周禮天官庖人職。牛何獨不可脯。鹿豕何獨不可脩。四物可軒。牛何獨不可。雉兔有毛。何獨他。獸不可毛。記言亦難盡拘也。

大夫燕食有膾無脯。有脯無膾。士不貳羹。馘。庶人耆老不徒食。

此因上節食品之多。惟人君可備。臣民家不必備也。燕食。燕居常食。鮮曰膾。乾曰脯。有此無彼。言不備也。和汁曰羹。切肉曰馘。不貳亦謂不備。庶民養老。但取

具肉不空食耳尤不求備也

按鄭以燕食爲饗禮非也豈有大夫燕賓而膾脯不備者與因解上數節爲諸侯燕禮故以此爲大夫燕禮其實記言不必與儀周二禮合也

膾春用葱秋用芥豚春用韭秋用藟脂用葱膏用臠

三牲用藪藪和去聲獸用梅鵝羹雞羹如鵝之羹

魴鱖序烝雛燒雉鄉無麥

膾細切肉也葱之氣達芥之味辛韭藟亦然故春秋各宜也疑曰脂釋曰膏三牲牛羊豕也藪菜萁也和謂也醯醋也獸野獸梅以爲酸和三牲用醋獸用梅

者家味野味各有宜也。鴛田鼠所化。與鶉雞皆可羹。
雞以蓼也。葱鱸皆葷菜。鱸似韭無實。脂用葱膏用雄
義未詳。魴鱖二魚宜炆。魚雞宜燒。與雉三物皆宜以
香和。不用蓼。薺。香草。紫蘇之類。

按此節言調和之法。今亦未可盡用。

不食。句。雉。鼈。狼去腸。狗去腎。狸去正脊。兔去尻。考平聲孤

去首。豚去腦。魚去乙。鼈去醜肉。曰脫之。魚曰作之。棗曰

新之。栗曰撰。宣上聲之。桃曰膽之。粗。崔梨曰攢。鑽平聲之。牛

夜鳴則瘡。由羊冷。零毛而毳。吹去聲羶。狗赤股而躁。豚

鳥。鱸。上。色而沙。鳴。鬱。豕望視而交睫。接腥。馬黑脊而

般斑臂滿雞尾不盈握弗食舒鴈翠鵠鷄雞胖舒鳧翠
雞肝鴈腎鵠保與與鹿胃肉腥細者爲膾大者爲軒或
曰麋鹿魚爲菹麋爲辟璧雞野豕爲軒兔爲宛光脾切
葱若聲實諸醢以柔之

不食不利于人者不可食也雞醢醢之初生者狼腸
直狗腎熱狸脊上一道如界兔尾有九竅尻尾骨孤
死正首丘豕首俯精聚于腦乙魚腸屈如乙字魚餒
先腸醢頸下有骨名醜此九者皆不可食食肉脫之
解其毛骨也食魚作之拔其鱗甲也棄多塵故新之
粟多蛀故選之桃多毛故膽之使其色清滑也或曰

膽苦桃有小而味苦者。楂梨多蠟蝕。攢治之。牛夜鳴者。肉臭。瘡。瘡同。臭草也。冷零落也。毳細毛也。毛稀零而細。羊如此者。肉必羶。股無毛曰赤躁。急厲也。狗如此者。肉必臊。鰓羽色飄浮無潤澤。沙鳴鳴而音嘶也。鬱腐臭。鳥如此者。肉必腐臭。望視交睫。謂仰首上視。目睫交合不開。豕如此者。其肉腥。鄭謂腥當作星。肉中如米也。黑脊脊毛黑色。般臂前脰毛班色。馬蹄病曰漏。周禮作𧈧。雉尾不盈握。謂雞鶩之類。小而未成者。舒鴈鶩也。野曰鴈。家曰鶩。野曰鳧。家曰鴨。以其行徐飛緩曰舒。尾肉曰翠。脅側曰胖。舒鳧鴨也。鵠水鳥。

鵠屬。鵠似鴈。臭臍胫也。以藏食曰臭。九者不食其義未詳。肉腥。肉之鮮者。腠而復細切之爲膾。腠而不細切爲軒。軒大片也。道醃漬也。辟雞宛脾皆腠而細切之名。醃醕也。數者切葱薑醃之。浸以醋使輒熟也。按此節之言。試之未必盡然。今人謂鼈小如馬蹄者佳。此云鼈鼈始生如錢者也。鄭謂爲伏雛。雛尾不盈握弗食。豈亦伏雛邪。爲方長不食。若魚不盈尺之類耳。然何獨鼈乎。牛夜鳴。羊冷毛。豕望視者多。鵲鴨之尾。雞肝。今人無不食者。雞盡据也。

羹食。自諸侯以下。至於庶人。無等大夫。無秩膳。大夫七

十而有閣。天子之閣左達五右達五。公侯伯於房中五。大夫於閣三。士於坫一。

肉曰羹。穀曰食。羹配食二者常供。故自諸侯至庶人隨宜無等。上言大夫士庶燕食有無不貳。以衆穀言也。此言無等以羹食二者言也。秩膳常供之膳不離左右。所以養老。古者五十服官政爲大夫。未老故飲食以時而無秩膳。七十有秩膳則有閣。謂以板閣飲食於便處常取也。天子之閣由正寢達于兩房。左右各五。古者廟制無西房。惟寢有左右房。國君於一房五閣。大夫三閣。士無閣。爲一坫而已。閣高坫卑。閣木

爲之。圻則土器相似異名耳。

凡養老有虞氏以燕禮夏后氏以饗禮殷人以食禮周人脩而兼用之。凡五十養於鄉六十養於國七十養於學達於諸侯八十拜君命一坐再至。瞽亦如之。九十者使人受五十異粢。章六十宿肉七十貳膳八十常珍九十飲食不達寢膳飲從於遊可也。六十歲制七十時制八十月制九十日脩。唯絞紵琴去聲衾冒死而後制。五十始衰六十非肉不飽七十非帛不煖八十非人不煖九十雖得人不煖矣。五十杖於家六十杖於鄉七十杖於國八十杖於朝九十者天子欲有問焉則就其室以珍。

從七十不俟朝。八十月告存。九十日有秩。五十不從力
政。六十不與服戎。七十不與賓客之事。八十齊衰之事
弗及也。五十而爵。六十不親學。七十致政。凡自七十以
上唯衰麻爲喪。凡三王養老皆引年。八十者一子不從
政。九十者其家不從政。瞽亦如之。凡父母在。子雖老不
坐。有虞氏養國老於上庠。養庶老於下庠。夏后氏養國
老於東序。養庶老於西序。殷人養國老於右學。養庶老
於左學。周人養國老於東膠。養庶老於虞庠。虞庠在國
之西郊。有虞氏皇而祭。深衣而養老。夏后氏收而祭。燕
衣而養老。殷人皐而祭。黼衣而養老。周人冕而祭。玄衣

而養老

此節詳見王制而載之內則者養老皆中饋之事教婦人以孝也凡父母在坐則子侍立于雖年老父不命之坐不敢坐也

曾子曰孝子之養老也樂其心不違其志樂其耳目安其寢處以其飲食句忠養之孝子之身終句終身也者非終父母之身終其身也是故父母之所愛亦愛之父母之所敬亦敬之至於犬馬盡然而況於人乎

孝子之養老養父母之年老者養不離飲食惟盡心不違則其養爲忠所謂養志也終孝子之身不以親

之存亡二心。所謂忠養也。愛其所愛。敬其所敬。雖親之犬馬。親沒猶不忍忘。如是乃爲事死如生。忠養以終身者也。於人於父母所愛敬之人。

凡養老。五帝憲三王有乞言。五帝憲養氣體而不乞言。有善則記之爲惇史。三王亦憲。旣養老而后乞言。亦微其禮。皆有惇史。

此帝王養老之禮。世運有升降。而禮數亦異。氣體謂辭氣容貌親炙其懿範。觀法其德行。無乞言請教之事。但老者有善則記之。是爲惇實之史。不在虛文浮辭。此五帝之養也。三王亦法其德行而行禮之後。請

教求言。然亦不專恃言微具此禮耳。皆有記善之惇史。此帝王古今之異也。史書記也。

淳熬煎醢加于陸稻上沃之以膏曰淳熬。淳母模煎醢

和于黍食上沃之以膏曰淳母炮取豚若將將剗豚之

剗枯之實棗於其腹中編萑九以苴之塗之以謹塗炮

之塗皆乾干擘百之濯手以摩之去其皽展爲稻粉糲

洩之以爲醢移以付豚煎諸膏膏必滅之鉅鑊湯以小

鼎薶脯於其中使其湯毋滅鼎三日三夜毋絕火而后

調之以醢醢擣珍取牛羊麋鹿膾之肉必舅每物與

牛若一。搗反側之去其餌孰出之去其皽柔其肉漬自

取牛肉必新殺者。薄切之。必絕其理。湛失諸美酒。期暮朝而食之。以醢若醢醢爲熬。捶之去其鼓。編萑布牛肉焉。屑桂與薑以洒諸上而鹽之。乾而食之。施羊亦如之。施麋施鹿施麇。皆如牛羊。欲濡肉。則釋而煎之。以醢欲乾肉。則捶而食之。糝三上聲取牛羊豕之肉。三如一小切之。與稻米。稻米二肉一。合以爲餌。煎之。肝聊取狗肝一。幪之以其骨。濡炙之。舉焦其骨。不蓼。取稻米舉糝洩之。小切狼臄燭膏以與稻米爲醢。

此烹調之法。其品有八。曰淳熬。曰淳母。曰炮。曰擣。曰漬。曰熬。曰糝。曰肝骨。曰醢。是謂八珍。淳沃也。熬乾煎。

也。陸稻。稻米乾者堅。故沃以膏。曰淳熬。炊黍成飯。性柔沃以膏。曰淳母。母黏軟團結之狀。將牂同牡羊也。剗之剗之。謂殺之而去其五臟也。萑葦屬。苴藉也。塗泥封也。謹作堦黏土也。封以泥而加諸火。擘剝去乾塗。濯手以水濯手。皸膜也。搔搔通搔。澼以水和粉也。鄭讀作滑。髓酏粥也。付豚謂以稻粉爲粥。敷所炮豚上。不言羊。包舉也。必滅之。謂膏必沒肉。以大鑊盛熱湯。切羊豚爲薄脯。以香味和于小鼎。煮于大鑊湯中。湯勿沒小鼎。沒則湯入壞脯也。擣珍。用肉異既擣。用稻粉爲酏煎之。與炮同法。故亦云。去餌熟出云。皸也。

柔其肉亦調以醢醢也。腓肉之肥美者，餌卽粥之付于肉者。餌乾肉熟，則去餌，漬珍，薄切生牛肉，浸以美酒，自今旦至明旦期朝，而后以醬醋食之。牛肉亦須火食，蒙前文畧耳。醢，酸飲。今糟物亦醢類。鄭云：梅醬也。熬必用火，先取生肉捶之，加薑桂鹽乾熬之，欲濡食，則以水潤釋，煎之以醢，欲乾食，則捶而碎之。糝者，參和之名。牛羊豕肉三均切，共爲一分，稻米二分，合爲餅餌，煎之曰糝。肝、骨、用狗肝，取腸間脂裹肝炙之，肝與骨俱焦乃食之。食狗不宜蓼，與犬羹同。狼膈膏，狼胸臆中膏，合稻米煮粥，亦一珍也。

按鄭氏據周禮膳夫以炮豚炮牂爲二謂糝醢非珍乃豆羞之實然則珍不薦之豆邪陸者乾燥歷陸之名陸稻卽今炒米喪禮柩旁置熬穀亦謂炒穀也乾煎曰熬用水曰煎孔氏謂陸地所種稻稻烏有陸種者乎肉肥者曰腍鄭謂夾脊肉米粉之糝漉者曰餅鄭謂筋臄皆不似大抵此節詳記飲食烹飪之法爲婦人職中饋者所當知然窮極滋味違恭儉撙節之意飲食男女人之至欲聖人緣斯二者起禮以爲節故玄酒爲上尊特牲爲大饗其所重可知苟飲食以滋味爲禮則男女之欲亦宜無不至矣或曰以養君

親云爾厚味腊毒豈所以致養乎

禮始於謹夫婦爲宮室辨外內男子居外女子居內深
宮固門閭寺守之男不入女不出男女不同施多加架
不敢縣於夫之揮輝施不敢藏於夫之篋笥不敢共溲
浴夫不在斂枕篋簟席獨櫛獨器而藏之少事長賤事貴
咸如之夫婦之禮唯及七十同藏無間故妾雖老年未
滿五十必與顏五日之御將御者齊齊漱澣慎衣服櫛
縱笄總角拂髦衿纓褰屨雖婢妾衣服飲食必後長者
妻不在妾御莫敢當夕

夫婦爲人道之始不謹則亂倫故內外男女之辨不

可不嚴雖天婦之親衣亦不同藏示有別也七十始同藏人道絕無嫌也五日之御謂男子五日一接婦人拂髦施膏沐也拂拭毛髮之蓬者盡飾爲敬也雖婢妾之賤同輩進御必有禮先長後幼衣服飲食皆然嫡庶尤宜辨妻所當夕偶不在則虛其夕妾不敢當其夕進也鄭註得之疏說鑒也

按五日之御鄭謂諸侯娶九女夫人專夕媵娣兩兩進御五日而徧天子十五日而徧若是則古者貴賤無夕不御女穿鑿附會不可以爲訓

妻將生子及月辰居側室夫使人日再問之作而自問

之妻不敢見使姆衣服而對至于子生夫復使人日再問之夫齊齊則不入側室之門子生男子設弧於門左次子設帨於門右三日始負子男射女否

及月辰及十月之初也側室燕寢之旁室作謂動作將生之時姆女師夫齊者三日將接子告神故齋弧弓也男子所事帨巾女子所佩陽左陰右負抱也

國君世子生告于君接以大牢宰掌具三日卜士負之吉者宿齋朝服寢門外詩負之射人以桑弧蓬矢六射天地四方保愛乃負之宰醴負子賜之束帛卜士之妻大夫之妾使食子凡接子擇日冢子則大牢庶人特豚

士特豕。大夫少牢。國君世子大牢。其非豕子則皆降一等。異爲孺子室於宮中。擇於諸母與可者。必求其寬裕慈惠。溫良恭敬。慎而寡言者。使爲子師。其次爲慈母。其次爲保母。皆居子室。他人無事不往。三月之末。擇日翦髮爲髻。系男角女羈。否則男左女右。是日也。妻以子見於父。貴人則爲衣服。由命士以下皆漱澣。男女夙興。沐浴衣服。具視朔食。夫入門。升自阼階。立于阼。西鄉。妻抱子出自房。當楣立。東面。姆先相。去聲曰。母某。敢用時日。祇見孺子。夫對曰。欽有帥。率父執子之右手。咳而名之。妻對曰。記有成。遂左還授師子。師辯。偏告諸父。諸母。名妻。

遂適寢夫告宰名宰辯告諸男名書曰某年某月某日某生而藏之宰告閭史閭史書爲二其一藏諸閭府其一獻諸州史州史獻諸州伯州伯命藏諸州府夫入食如養黠禮

世子生三日見于君君設大牢饗負子諸臣而接見世子慶始生也卜士負之謂卜士之吉者使抱子也詩志也志誠負之恐失墜也猶儀禮詩懷之詩以桑爲弓以蓬爲矢有志未備其事也保受乃負之謂士以子授保母保母受而抱之也宰醴負子謂君使宰夫爲主設醴禮負子之士賜束帛酬勞也卜士之妻

與大夫之妻吉者食子謂乳哺之也凡接子雖以三日亦必卜如祭有常期亦必卜也家子天子之元子擇於諸母中與外婦可者爲師以教之爲慈母以養之爲保母以擁負之子生三月剪髮命名髮不盡剪曰髻男子剪凶畱兩旁曰角女子畱縱橫交午如絡頭曰羈不然男翦右畱左女翦左畱右是日卽翦髮之日見父將命名也貴人爲衣服謂各服其命服重其事也命士以下至士月朔必盛饌茲亦設具如朔食食謂天子以下至士月朔必盛饌茲亦設具如朔食也夫入門入寢門也夫立阼階妻抱子出側室楣門

上橫梁姆先相謂保母立于妻前相禮代妻言也母某妻姓氏也時日猶是日欽有帥敬教率也執右手明將授之事也兒笑曰咳爲咳笑聲呼而名之也記有成謂記識期成就也師師母辯徧通諸婦同族卑者之妻諸母同族尊者之妻宰主事之臣諸男同宗子姓二十五家爲閭二千五百家爲州夫入食入正寢妻食之如養舅姑之禮卿大夫以下以名徧告同宗諸侯絕宗則不告

按世子生接以大牢卽今世俗之湯餅會爲羣臣賓客慶世子而設非爲食其子亦非爲食其母也接相

見也。鄭讀作捷，謂爲其母補虛強氣迂也。桑弧蓬矢射天地四方，似後世辟禳之術。士大夫妻妾入宮中，哺子此禮未宜。夫入門，鄭因上節妻生子居側室，謂此爲側室門。大夫以下見子側室，恐未然。下節見妾子于內寢，豈重庶反輕嫡乎？唯寢有堂階，側室烏得南向有東西階乎？

世子生，則君沐浴朝服，夫人亦如之，皆立于阼階西鄉。世婦抱子升自西階，君名之，乃降。適子庶子見於外，寢撫其首，咳而名之。禮帥初，無辭。凡名子不以日月，不以國，不以隱疾。大夫士之子不敢與世子同名。妾將生子

及月辰夫使人日一問之子生三月之末漱澣夙齊見於內寢禮之始始入室君已食徹焉使之持餽遂入御公庶子生就側室三月之末其母沐浴朝服見於君擯者以其子見君所有賜君名之衆子則使有司名之庶人無側室者及月辰夫出居羣室其問之也與子見父之禮無以異也凡父在孫見於祖祖亦名之禮如子見父無辭食子者三年而出見於公宮則飭大夫之子有食母士之妻自養其子由命士以上及大夫之子旬而見冢子未食而見必執其右手適子庶子已食而見必循其首

世子諸侯之適長子君夫人所生夫人不抱君不咳
與大夫士禮異衆子咳名世子不咳敬之也阼階路
寢之東階適子庶子者嫡夫人之衆子也與妾庶子
異外寢君之燕寢禮帥初率前翦髮見父之禮但無
姆先相與欽有帥記有成等辭耳名子不以日月等
解見曲禮妾生子謂衆庶子禮之如始入室謂禮生
子之妾如初嫁來之禮公庶子卽妾生子朝服禮服
之通稱其母沐浴朝服見君與君夫人立于阼階異
也殯者以其子見于君所無世婦抱也有賜謂君有
特恩寵賜則君自名之若泛然待以衆子則使有司

名之耳。與適庶子異也。凡生子。無論妻妾。皆居側室。庶人無側室。夫出居別室。未生日。使人問。旣生。亦三月。見父命名同也。父在。謂生子者之父。卽所生子之祖父。祖名之。統于尊也。食子者。國君所卜大夫妾與士妻。養公子者。三年子免懷抱。食者還家。見于公宮。君有賜勞之。勛勞也。大夫以上生子。妻不自養。皆有食母。士以下。妻自食之。命士。上士之始命者。旬。均也。猶周禮均人。公旬用三日之旬。言士大夫子生三月。見父名之禮均也。食。謂朝食。尚早。重始也。父咳而名之。執其右手。示將授之事。重適也。適庶子。則朝食後。

見示稍後也。父咳而名之。不執手。但拊循其首。至衆庶子。或首亦不循矣。此禮命士以上均也。

按冢子有繼體之任。其異于庶子。宜也。衆庶子又異于適庶子。不已甚乎。莫尊于父。而母爲親。以父視之。則皆子。重母而輕父。亦未甚宜也。

子能食。食教以右手。能言。男唯。

上聲

女俞。男罄革。女罄絲。

六年。教之數。與方名。七年。男女不同席。不共食。八年。出入門戶。及卽席飲食。必後長者。始教之讓。九年。教之數。十。十年。出就外傳。居宿於外。學書計。衣不帛襦。如袴。禮帥初。朝夕學幼儀。請肄簡諒。十有三年。學樂。誦詩舞。

勺。成童舞象。學射御。二十而冠。始學禮。可以衣裘帛。舞
大夏。傳行孝弟。博學不教。內而不出。三十而有室。始理
男事。博學無方。孫選友視志。四十始仕。方物出謀發慮。
道合則服。從不可則去。五十命爲大夫。服官政。七十致
仕。凡男拜。尚左手。女子十年不出。姆教婉。老婉曉聽從。
執麻枲。治絲繭。織紵組紃。選學女事。以共衣服。觀於祭
祀。納酒漿。簋豆。迨醺。禮相助奠。十有五年而笄。二十而
嫁。有故。二十三年而嫁。聘則爲妻。奔則爲妾。凡女拜。尚
右手。

食必用手。凡動作皆右手。男女同也。唯俞。皆應辭。唯

疾俞緩。盤、筆、帶、男用革，女用絲。鄭謂爲小囊，恐非。數謂十百千萬之數。方名，謂東西南北之名。出入門戶，則讓行。卽席則讓坐。皆居長者之後。數日，謂數朔望。六甲之日。外傳：教學之師也。傳，附也。爲弟子附屬也。書，書法。計，算法。童子不衣裘裳，不以帛爲襦袴，示儉也。禮率初，謂六年七年九年之禮。率循不改也。肄，習也。簡，書篇也。諒，信實也。執業，請習于外傳。誦讀簡冊，篤志信實，不虛詐務外也。學樂，學八音之器。誦詩，誦樂歌之章。勺，酌。通武王樂於鑠之詩也。十五以上曰成童。象文，王樂維清之詩也。舞，謂歌以舞也。歌，樂聲。

舞樂容也大夏禹樂博學不教謂未暇爲人師內而
不出卽不教意貴蘊藉戒淺露也三十有室壯而當
家也無方通達也孫友遜順取友視志行道相期也
方物揆度事物出其謀發其慮卽所謂四十不惑可
與慮天下事矣自十歲就外傳四十始仕其閒從事
學問者三十年故材成德立用無不效也男拜尚左
手以左手加右手上也女子十歲不出閨門與男就
外傳異常居內也姆女師婉委曲也婉舒緩也皆柔
順意能柔順聽從姆教則賢女也麻臬績事也絲繭
蠶事也紵繪帛之屬組紃皆綬類組如帶闊而薄紃

如繩今之條也觀祭祀學禮也女子將為人婦相夫
助奠故觀習之女子年十五至二十許嫁則笄有故
謂父母之喪妻齊也妾接也來徵曰聘往就曰奔尚
右手謂以右手加于左手上也